



Kamola ODILJONOVA,

Andijon davlat pedagogika instituti erkin tadqiqotchisi

Email: kamolaodiljonova5@gmail.com

Andijon davlat universiteti o'zbek tili va adabiyoti kafedrasи dotsenti, PhD Sh.A.Xaliquova taqrizi asosida

## INNOVATIVE WAYS OF USING LEXICAL COMPETENCES IN THE EDUCATIONAL PROCESS

### Annotation

In world pedagogy, the creation of modern pedagogical technologies for the formation, development and improvement of students' linguistic competences at language levels and their introduction into the educational system have become the main priority of language education. In this article, an innovative and integrated approach to the formation of lexical competence, their results and results, and a general analysis of theoretically based approaches are described.

**Key words:** integration, pedagogy, competence, language levels, technology, theory, methodology, innovation.

## ИННОВАЦИОННЫЕ СПОСОБЫ ИСПОЛЬЗОВАНИЯ ЛЕКСИЧЕСКИХ КОМПЕТЕНЦИЙ В ОБРАЗОВАТЕЛЬНОМ ПРОЦЕССЕ

### Аннотация

В мировой педагогике создание современных педагогических технологий формирования, развития и совершенствования языковых компетенций учащихся на языковых уровнях и внедрение их в образовательную систему стали основным приоритетом языкового образования. В данной статье описаны инновационный и комплексный подход к формированию лексической компетенции, их результаты и результаты, а также общий анализ теоретически обоснованных подходов.

**Ключевые слова:** интеграция, педагогика, компетентность, языковые уровни, технология, теория, методология, инновации.

## TA'LIM JARAYONIDA LEKSIK KOMPETENSIYALAR DAN FOYDALANISHNING INNOVATSION YO'LLARI

### Annotatsiya

Jahon pedagogikasida o'quvchilarda til sathlariga doir lingvistik kompetensiyalarini shakllantirish, rivojlantirish va takomillashtirishga doir zamonaviy pedagogik texnologiyalarni yaratish hamda ta'limga joriy etish til ta'limgining bosh ustuvor vazifasiga aylandi. Ushbu maqolada leksik kompetentlikni shakllantirishga innovatsion va integratsion yondashuv, ularning natijalari va samari, nazariy asoslangan yondashuvlarining umumiy tahlili bayon qilingan.

**Kalit so'zlar:** integratsiya, pedagogika, kompetensiya, til sathlari, texnologiya, nazariya, metodika, innovatsiya.

**Kirish.** Ta'limga faoliyatini tashkil qilish va amalga oshirish jarayoni bilimni uzaqish, uni qabul qilish, anglash, esda saqlash va amalda qo'llay olishni nazarda tutadi. Bugungi kunda ta'limgining barcha bosqichlarida yangi zamonaviy texnologiyalarni joriy etish, ulardan samarali va oqilona foydalanish va yuqori samaradorlikka erishishga alohida ahamiyat berilmoxda. Zamonaviy texnologiyalarni qo'llab dars o'tish o'quvchilarda ilmiy-nazariy bilimlarni mustaqil egallash, bilim, ko'nikma va malakalarini shakllantirish va shu asosida o'quvchilarning ilmiy dunyoqarashlarini tarkib topirish hamda faolligini oshiradi. Ijodiy qobiliyatlarini aniqlash, ro'yobga chiqarish, o'qituvchi-o'quvchi hamkorligini shakllantirish va kafolatlangan yakuniy natijaga erishishishni ta'minlaydi, o'quvchini o'quv jarayonining faol qatnashchisiga aylantiradi. Bundan ko'rindaniki, yuksak ma'naviy-axloqiy salohiyatga ega bo'lgan avlodni voyaga yetkazish, ularning ilmiy dunyoqarashini bugungi kun talablari asosida shallantirish ta'limga oldiga qo'yilgan asosiy vazifalardandir.

Keng ma'noda "innovatsiya" pedagogik tizimga yangilik kiritish yo'li bilan ta'limga tarbiya jarayonini maqbullashtirish, samaradorligini oshirishi ko'zda tutadi. Pedagogik tizimga uning ichki imkoniyatlarini hisobga olgan holda sifat va samaradorlikni oshirish maqsadida kiritilgan yangiliklarnigina innovatsiya deb tushunamiz. Ushbu tizimni takomillashtirib, yuqori sifat va natijadorlikka erishishga oid fikr, g'oya, nazariya, qoida, shakl, metodlar va vositalar tizimini pedagogik innovatsiyalar sifatida qabul qilish mumkin.

Innovatsion ta'limga shundayki, u o'zini rivojlantirish istagiga ega barcha ishtiokchilarning to'laqonli rivojlanishi uchun sharoit yaratadi, boshqacha aytganda, innovatsion ta'limga rivojlanuvchi va rivojlantiruvchi ta'lmdir. O'quvchilarda o'qish istagini shakllantirish va buni malakaga aylantirish – barcha innovatsion ta'limgining asosiy maqsadi hisoblanadi. Bunday ta'limga jarayoni o'quvchining o'quv-bilish faoliyatida faol ishtiokini va uning ijodiy qobiliyatlarini o'stirishni nazarda tutadi.

**Mavzuga oid adabiyotlar tahlili.** O'zbek tili metodikasida leksikologiyani o'qitishga mavjud adabiyotlarda alohida e'tibor berilgan o'rinalar ko'p uchraydi. Masalan, A.G'ulomov, M.Qodirov, M.Ernazarova, A.Bobomurodova, N.Alavutdinova, V.Karimjonova larning "Onatili o'qitish metodikasi" nomli darsliklarida umumiyo'rtatlim maktablarida ona tilini o'qitish sohasida yuz bergan yangiliklar va o'zgarishlar hisobga olingan holda bu fanni o'qitishning metodik jihatlari bayon qilingan. Shu bilan birga, ilmiy-nazariy ma'lumotlarni amaliyotga tatbiq etish usullari, maktabda leksikologiyani o'qitishning hamiyati va vazifalari haqida ma'lumot berilgan.

**Tadqiqot metodologiyasi.** Innovatsion texnologiyalardan foydalananishning bosh muammosi o'quvchi shaxsini rivojlantirish orqali ta'limga maqsadiga erishishni ta'minlashdan iborat. Bunda o'qituvchi darsga mos pedagogik texnologiyani to'g'ri tanlay olishi, qo'llashi juda muhimdir [1]. Shularni inobatga olgan holda o'quvchilarning leksik kompetentligini rivojlantirishning algoritmix xaritasini ishlab chiqdik:

1-bosqich. Reproduktiv ishlarni bajarish va tahlil qilish ko'nikmalarini shakllantirish. Sinfda o'quv jarayonini tashkil etish hamda mustaqil ishlarni o'qituvchi rahbarligida bajarish.

2-bosqich. Produktiv ijodiy harakat ko'nikmalarini rivojlantirish va avval bajargan harakatlarni mustaqil bajarish.

3-bosqich. Qisman - izlanuvchilik faoliyatini jarayonini tashkil etish va avval o'zlashtirgan materialni ikkilamchi holatga ko'chirish.

4-bosqich. Ijodiylik. Yangi bilimlarni egallash va mustaqil o'rganish. Mashg'ulotda o'quvchilar yangi g'oyalar va xulosalarga ega bo'ladi[2].

Yuqoridaqgi barcha bosqichlarning tartiblangan ketma-ketligi yaxlit innovatsion siklni tashkil etadi.

Ta'limga metodlarini tanlashning mezoni-dars jarayonida o'quvchilar sonini hisobga olishdir. Agar ularning soni ko'p bo'lmasa, u holda faol o'qitish metodlaridan foydalanim, o'qitishni

jadal sur'atlarda olib borish mumkin bo'ladi. Agarda ko'p bo'lsa, ularning har biriga e'tibor berish uchun vaqt yetishmasligi natijasida tahlil oluvchilarni boshqarish murakkablashadi, bunda esa ta'limning interfaol metodlaridan guruuhlararo olib borish lozim bo'ladi. Buyuk mutafakkir Al Farobi o'zining o'qitish metodlari haqidagi tushuntirishlarida o'quvchilarga turli bilimlar berish bilan birga, mustaqil holda bilim olish yo'llarini ham ko'rsatish, ularning bilimlarning zarurligiga shak-shubhasiz ishontirish kerak ekanligini uqtiradi. Ta'lim jarayonini innovatsion texnologiyalar asosida innovatsiyalashtirish pedagogik jarayonda pedagog va o'quvchi o'rta sida yuzaga keluvchi muloqot jarayonining samarali bo'lishi, mazkur jarayonning innovatsion mazmun-mohiyat kasb etilishidir. Dars jarayoniga yangiliklarni kiritish innovatsiya natijasi sifatida tushuniladi. Innovatsion jarayon quyidagi uchta asosiy bosqichlarning rivojlanishi sifatida qarab chiqiladi:

- fikrlarning shakllantirilishi;
- o'quvchilar tomonidan gipotezalar ishlab chiqish; amaliy tarzda g'oyalarning ishlab chiqilishi va yangilikning amaliyotda qo'llanilishi.

O'qituvchi ta'lim tizimi bo'yicha yangilik va g'oyalarni amaliyotga tatbiq etib borishi fanni o'qitishda innovatsion texnologiyalaridan foydalanish hisoblanadi.

Innovatsion jarayonning rivojlanishida quyidagi bosqichlarni ajratib ko'rsatiladi:

- o'zgarishlarga bo'lgan ehtiyojni aniqlash;
- ma'lumotlarni yig'ish va holatni tahlil qilish;
- mavjud yangilikni tanlash yoki mustaqil tarzda yangilikni ishlab chiqish;
- joriy etish (o'zlashtirish) to'g'risida qaror qabul qilish;
- joriy etish, shu jumladan yangilikni tajriba sifatida ishlatalish;
- yangilikni o'zlashtirib olish yoki uzoq muddat davomida qo'llash natijasida uni kundalik amaliyotning ajralmas tarkibiy qismiga aylantirish.

**Tahlil va natijalar.** Darsda o'quvchilarning hamkorligi ta'lim va tarbiya samaradorligini oshirishga yordam beradi. "...til faqat kishilar o'rtasidagi oddiygina aloqa vositasi emas, balki til egalarining o'zini qurshab turgan olamni bilish, qo'lda kiritgan bilimlarini kelajak avlodga yetkazish vositasi hamdir. Agar so'zlovchi lisoniy strukturalarni o'zlashtirsra-yu, ammo ulardan qanday va qaysi o'rnlarda foydalanishni bilmasa, lisoniy qobiliyatga to'liq egalik haqida fikr yuritib bo'lmaydi. Shuning uchun hozirgi kunda lisoniy qobiliyati kuchli shaxsni tarbiyalamoq uchun ta'lim jarayonida o'quvchilarning asosiy e'tiborini tilning sof ichki tuzilishini bilishdan tashqari ularning har biridan qaysi vaziyatlarda qanday foydalanishni bilishiga ham qaratishi lozim bo'ladi[3].

Ta'limda fanlararo bog'lanishdan ko'p foydalaniladi. Bu esa, o'z navbatida, fanlar o'rtasida tarkibiy bog'lanishni mustahkamlash, ularni umumlashtirish, o'quvchilarning mavzu bo'yicha yaxlit tasavvurlarini yanada boyitish uchun xizmat qiladi. Amaliy tajribalar shuni ko'rsatadi, ta'lim jarayonida o'qituvchilar fanlararo aloqadorlikka yetarlicha darajada e'tibor qaratishmaydi. Natijada o'tkaziladigan nazariy va amaliy mashg'ulotlar davomida ta'lim samaradorligi ta'minlanmaydi.

Hozirgi kunda pedagogik adabiyotlarda "fanlararo aloqalar" ning 30 dan ortiq ta'rifni mavjud, ularni pedagogik baholash borasida ham turlicha yondashuvlar va har xil tasniflar mavjud. Fanlararo aloqadorlik o'qitish jarayoniga nisbatan o'qitishning ilmiyligi va qulayligini oshirishga, o'quvchilarning bilish faoliyatini kuchaytirishga, ularning bilimlarni sifatini yaxshilashga imkon beruvchi va o'quvchilarning ilmiy qarashlarini samarali rivojlanirishga yordam beradi. Fanlararo integratsiya bir necha fanda bir-biriga yaqin bo'lgan tushunchalarning kelib chiqish ildizlarini ochishda bu fanlarning o'zaro munosabatini, bir-biriga ta'sirini o'rganishda katta ahamiyatga ega.

**Xulosa va takliflar.** Adabiyot darslarida asar matni ustida ishslash mobaynida adabiy asar qahramoni shaxsi va hayoti tahlili asnosida o'quvchining o'zi ham hayotga kirib boradi, o'zgalarini tushunishni o'rganadi. O'zgalarini o'rganish orqali o'zi ham shaxs sifatida shakllana boradi. O'rta mакtabda adabiyot 5-sinfdan alohida fan sifatida o'rganila boshlaydi. Xuddi shu vaqtida

bolaning har narsaga qiziqadigan, har narsaning mohiyatini bilinga bo'lgan intilishi so'nmagan davrda mavjud imkoniyatlardan foydalaniib, unda ijobjiy fazilatlarni shakllantirishga, uni mustaqil fikr sohibi etib tarbiyalashga erishish lozim. Insonni shunday rutbaga ko'taradigan, uni inson sifatida baland bo'lishga rag'batlantiradigan asosiy vositalardan biri – adabiyotdir.

Ona tili o'qitishning samarali bo'lishi ko'p jihatdan uni adabiyot bilan bog'lab olib borishga bog'liq yoki aksinchasi. Aslida, ona tili adabiyot darslarida ham o'rganiladi. Masalan, badiiy asarning tilini tahlil etish davomida ba'zi grammatic shakllarning uslubiy ahamiyatiga e'tibor qaratiladi[4].

Tildan, undagi imkoniyatlardan foydalanishning ma'lum me'yorlari, mezonlari, ilmiy jihatdan belgilangan qoidalari mavjud. Mana shu hodisalar tildan foydalanishning to'g'ri, maqbul imkoniyatlari doirasini belgilaydi, uni ma'lum tartibga solib turadi. Bu esa o'z navbatida ona tili va adabiyot fani o'qituvchilar zimmasiga ulkan mas'uliyat yuklaydi, o'qitish jarayonining samaradorligini oshirishga asosiy e'tiborni ta'limga qaratishga va interfaol usullarni, innovatsion pedagogik texnologiyalarini kiritish hamda ulardan mohirona foydalanishga undaydi.

Metodist olima T. Ziyodova fikricha: "O'quvchilarning matn ustida ishslash faoliyatini tashkil qilishda o'qituvchi faqat darslik bilan chegaralanib qolmasdan, ilmiy va badiiy adabiyot, davriy matbuotdan tanlab olingan matnlar, audio-videohalardan ham unumli foydalanishi, mazkur mashg'ulotning mahsuldarligini, o'quvchilar uchun qiziqarli va zavqli kechishini ta'minlaydi"[5].

Tilshunoslikning biror fan bilan integratsiyalashishi deganda, tilning o'sha fan ayrim mavzu yoki mavzular majmuasi bilan uyg'unlashib, birlashib, bir butun yaxlit tushunchani, nazariyani tashkil qilishi idrok qilinadi. Bir fan olib tashlansa, o'sha mavzular bayoni kemtiklik, kamchilik, tugallaganmaganlik, yaxlit bir butunlikka yetmaymagan golqandek bo'ladi. Ta'lim tizimida integratsiyaning dolzarbli ijjtimoiy, tabiiy, texnik bilimlarning birlashishi yaqqol ifodalangan fanning zamonaviy rivojlanish darajasi bilan izohlanadi. Bir necha fanni o'zaro bog'liqlikda o'quv jarayoniga tatbiq etish o'quvchi-talabaning fanga qiziqishini oshiradi, ijod qilishga o'rgatadi, izlanishga yo'naltiradi, tasavvurni kengaytiradi. Individual fikrash orqali erkin mushohada yuritsa, jamoa bo'lib ishslash jarayonida o'zligini anglashga, o'zgalar fikrini hurmat qilishga o'rganadi. Shunday ekan, integratsiyali darslarni ta'lim tizimining har bir bo'g'inida amalda qo'llash o'quv mashg'ulotlarining yanada qiziqarliroq va davlat ta'lim standartlariga mos ravishda tashkillashtirish masalalarida katta yordam beradi. Mana shu kabi masalalarni yechishda dars jarayonida integratsiyali darslarni tashkillashtirish samarali natija beradi.

Umumta'lim maktablarida ta'lim usuli, asosan, kognitiv-pragmatikdir. Bunda dars mashg'ulotlarida faol ishlovchi o'quvchining o'zidir. Har bir dars taxminan to'rt bosqichni o'z ichiga oladi.

1. Takrorlash.
2. Berilgan materiallarning o'quvchilar tomonidan tahlili.
3. Berilgan materiallarni o'qituvchi yordamida umumlashtirish va hukm chiqarish.

4. Hosil qilingan umumiyligini amalda qo'llash va sinash, o'quv masalalarini bajarish.

O'quvchilarning matn yaratish va matn ustida ishslashlari mashg'ulotning ikkinchi, to'rtinchi bosqichlarida va sinfdan tashqari beriladigan topshiriqlarda markaziy o'rinni egallaydi. Matnlar xilma-xildir. Ularning aniq tur va ko'rinishi qisman darslikda berilsa, asosan, o'qituvchi tomonidan belgilanadi. Dastur o'qituvchiga darslikdagi barcha matnlarni o'z didi, talabi, sharoitga qulayligi bilan bemaol almashtirish, o'qitish jarayonini tom ma'nodagi ijodiylik va izlanuvchanlik asosida qurishga to'liq imkoniyat beradi. Matn ustida ishslash topshiriqlari va mashqlariga bu dastur va darsliklarda ko'p e'tibor qaratilgan.

O'quvchilarda lingvistik kompetensiyalarni shakllanganlik darajasini aniqlashda testlardan foydalanish ham yaxshi samara beradi. "Test" atamasini birinchi marta amerikalik psixolog J. Kettel tomonidan 1890 yilda kiritilgan. "Test" atamasini tekshirish, nazorat, sinov ma'nolarini bildiradi. Pedagogikada

“test” atamasi o‘ziga xos shaklga va mazmunga, turli qiyinlik darajasiga ega bo‘lgan, o‘quvchilar o‘zlashtirishi darajasini xolisona baholash imkoniyatini beradigan topshiriqlar tizimidan iborat.

Test topshiriqlari – ta’lim natijalarini xolisona nazorat qilishning didaktik va texnologik vositalaridan hisoblanadi. Test

sinovlari yordamida barcha o‘quvchilarning bilimini bir vaqtida tekshirish, ularni mashg‘ulotlarga puxta tayyorgarlik ko‘rishga, mustaqil o‘qish ko‘nikmalarini rivojlantirishga o‘rgatish, intizomini mustahkamlash kabi imkoniyatlar yaratiladi.

#### **ADABIYOTLAR**

1. Tajiyev M va b. Pedagogik texnologiya – ta’lim jarayoniga tatbig‘i. – Toshkent: Tafakkur, 2010. – 118 b.
2. G‘ulomov A., Qodirov M., Ernazarova M va b. Ona tili o‘qitish metodiksi. – Toshkent: Fan va texnologiya, 2012. – B. 174.
3. Sobirov A. Uzlusiz ta’limda til kompetensiyasi //Nutq madaniyati va o‘zbek tilshunosligining dolzarb masalalari. Respublika ilmiy-amaliy anjuman materiallari . –Andijon, 2016. – B. 87.
4. Turdiyev N., Asadov Yu., Akbarova S. Umumiy o‘rta ta’lim tizimida o‘quvchilarda kompetensiyalarni shakllantirishga yo‘naltirilgan ta’lim texnologiyalari. – Toshkent: Niso Poligraf, 2007. – B. 4.
5. Ziyodova T. Matn yaratish texnologiyasi. –Toshkent: Fan. 2008. –B. 35.